

20 এপ্রিল, 2021

প্রিয় পরিবারবর্গ,

গত বছর, একজন পুলিশ অফিসার জর্জ ফ্লয়েডের ঘাড়ে নয় মিনিট উনত্রিশ সেকেন্ড হাঁটু দিয়ে চাপা দিয়ে রেখেছিল, কিন্তু আমার জন্য, সেটা অনন্তকাল অনুভূত হয়েছে।

আমার অস্থির অন্তস্তলে আমি ব্যাথা ও ক্রোধ অনুভব করেছি। এটা নতুন কোনো অনুভূতি নয়। একজন কৃষ্ণাঙ্গ নারী, বোন, কন্যা, ও কৃষ্ণাঙ্গ ছেলেমেয়ের মা হিসেবে—এবং 20 বছরের অধিক সময় যাবৎ কৃষ্ণাঙ্গ ছেলেমেয়েদের একজন শিক্ষিকা হিসেবে, আমার জীবনে এই অনুভূতি বহুবার হয়েছে।

জর্জ ফ্লয়েডকে হত্যাকারী অফিসারের পুরো বিচারকার্য চলাকালে সেই ব্যাথা, ক্রোধ, এবং ভয় উপস্থিত ছিল। মিস্টার ফ্লয়েড এবং তাকে ছাড়া জীবন ধারণ করতে বাধ্য তার পরিবারের জন্য ন্যায়বিচার আদায়ে জুরি ও পুরো দেশ যখন কী ঘটেছিল সেটার মুখোমুখি হয়েছে—আমার মনে হয়েছে মর্মান্তিক ঘটনাটি বারংবার পুনরাবৃত্তির মাধ্যমে আমি জর্জ ফ্লয়েডকে বারবার মৃত্যুবরণ করতে দেখেছি।

এবং এখন, ন্যায়বিচারের প্রথম ধাপটি সম্পন্ন হয়েছে।

একজন কৃষ্ণাঙ্গ নারী হিসেবে আমার জন্য, আমার ভাইদের জন্য, আমার মা ও খালাদের জন্য যারা পুলিশের নৃশংসতায় ভাই হারিয়েছে - ন্যায়বিচার পাওয়া অত্যন্ত গুরুত্বপূর্ণ।

আমাদের কৃষ্ণাঙ্গ ও বাদামী বর্ণের ছেলেমেয়েরা যেন জানে যে তাদের মূল্য আছে, সেজন্য এই রায়ের দায়-দায়িত্ব যে প্রতিনিধিত্ব করছে তা অত্যন্ত গুরুত্বপূর্ণ।

এমন একটি বিশ্ব যা প্রায়শই ভিন্ন বক্তব্য রাখে, এই মুহূর্তের দায়-দায়িত্ব আমাদের স্কুলগুলোর কৃষ্ণাঙ্গ ও বাদামী বর্ণের ছেলেমেয়েদের মাঝে ব্যক্ত করছে যে তাদের প্রাণের মূল্য আছে, এবং তাদের ভবিষ্যতের গুরুত্ব তুলে ধরছে।

এটাই, আমরা প্রতিদিন স্কুলে যা করছি—কেন আমরা আমাদের সকল ছেলেমেয়েদের জন্য স্বাগতমূলক, ভালবাসার পরিবেশে গড়ে তুলতে এতটা নিবদ্ধ, সেটার নঙ্গর গেঁথে রেখেছে। আমরা নিশ্চিত করতে চাই যে প্রতিটি ছেলেমেয়ে শুধু শুনবে তাই না, বরং অনুভব করবে যে তাদের গুরুত্ব আছে। আমরা চাই তারা অনুভব করুক যে তাদের শিক্ষক ও স্কুল কমিউনিটি তাদের অতীত ও বর্তমান অভিজ্ঞতার পাশাপাশি তাদের ভবিষ্যতের স্বপ্নকেও মূল্য দেয়।

20 বছরের বেশি সময় ধরে, আমি ছেলেমেয়েদের সংবেদনশীলতা ও আত্মজ্ঞানের অভিজ্ঞতা অর্জন করেছি—তারা জানে কী হচ্ছে, এমনকি যারা ভাষায় প্রকাশ করতে সক্ষম নয় তারাও। তারা তাদের চারপাশের বিশ্বের শক্তি অনুভব করতে পারে। অতএব, শিক্ষার্থীরা তাদের অনুভূতি শেয়ার করার জন্য আমাদের স্কুলগুলো যেন নিরাপদ স্থান তা আমরা নিশ্চিত করছি। উন্মুক্ত আলোচনায় সহায়তা করতে এবং আমাদের ছেলেমেয়েদের যেন প্রশ্ন করার সুযোগ দেয়া হয় সেজন্য প্রতিটি স্কুল রিসোর্স পাচ্ছে।

আমাদের শিক্ষার্থী, শিক্ষক ও স্টাফদের যেকোনো উদ্ভূত অনুভূতি মোকাবেলা করতে আমাদের মানসিক স্বাস্থ্য সহায়তার ব্যবস্থা রয়েছে। কারণ, যদিও যে ব্যক্তি জর্জ ফ্লয়েডের প্রাণ কেড়ে নিয়েছে তাকে দায়বদ্ধ করা হবে, কিন্তু এটা থেকে যে প্রাতিষ্ঠানিক বর্ণবাদ ও সহিংসতা উদ্ভূত হচ্ছে, তা এখনও প্রতিটি দিন আমাদের দেশ জুড়ে মর্মান্তিক ঘটনা ও অসমতা সৃষ্টি করছে, সেটা আমরা শনাক্ত করি। এই অনিষ্টের প্রতিকার করতে এবং সত্যিকার ন্যায়বিচার প্রতিষ্ঠা করার এই কাজে আমরা সকলে অংশীদার।

আপনার ও আপনার প্রিয়জনদের যখন আপনি আপনার সাধ্যমত যত্ন নিচ্ছেন, জেনে রাখুন যে প্রতিদিন আমাদের ছেলেমেয়েদের ভবিষ্যতের গুরুত্ব দৃঢ়তার সাথে অনুমোদন করে আমরা আপনার পাঁশে আছি। এবং এটা কখনোই পরিবর্তিত হবে না।

অংশীদারিত্বে,



মির্শা পোর্টার (Meisha Porter)

নিউ ইয়র্ক সিটি স্কুলস চ্যান্সেলর